

ხელშეკრულება სახელმწიფო

შესყიდვის შესახებ №88

ქ. თბილისი

2 დეკემბერი 2016 წელი

ერთი მხრივ შპს საფეხბურთო კლუბი „მეზახტე“ (შემდგომში „შემსყიდველი“) წარმოდგენილი მისი დირექტორის რამაზ სანიკიძის სახით და მეორეს მხრივ სსიპ „სასწრაფო სამედიცინო დახმარების ცენტრი“ (შემდგომში „მიმწოდებელი“) წარმოდგენილი მისი დირექტორის დავით ტორუას სახით, ვლებთ სახელმწიფო შესყიდვის შესახებ ხელშეკრულებას შემდეგზე:

1. შესყიდვის ობიექტი

1.1 სამედიცინო დახმარება (კლასიფიკატორის CPVკოდი 85143000), კერძოდ ხელშეკრულების დანართით განსაზღვრული მომსახურება. დანართი წარმოადგენს წინამდებარე სახელმწიფო შესყიდვის №88 ხელშეკრულების განუყოფელ ნაწილს.

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 400 (ოთხასი) ლარს.

2.2 ხელშეკრულების ჯამური ღირებულება უნდა მოიცავდეს „მიმწოდებლისათვის“ მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები.

3.1 შესყიდვის ობიექტის მიწოდების საბოლოო ვადაა 2016 წლის 9 დეკემბერს.

3.2 შესყიდვის ობიექტის მიწოდება ხორციელდება „შემსყიდველის“ მოთხოვნის საფუძველზე.

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს ხელშეკრულებით გათვალისწინებული ვალდებულებების სრულ და ჯეროვან შესრულებამდე. ხელშეკრულების მოქმედების ბოლო ვადაა 3.1. პუნქტში განსაზღვრულ თარიღს დამატებული 30 (ოცდაათი) დღე.

5. შესყიდვის ობიექტის მიღება - ჩაბარების წესი

5.1 „შემსყიდველის“ მიერ ხელშეკრულების ობიექტის მიღება ფორმდება მიღება-ჩაბარების აქტით „შემსყიდველის“ და „მიმწოდებლის“ უფლებამოსილი წარმომადგენლების ხელმოწერით.

6. შესყიდვის ობიექტის ხარისხი და გარანტია.

6.1 „მიმწოდებელი“ იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

7. ანგარიშსწორების ფორმა, გრაფიკი (ვადები) და ადგილი

7.1 „მიმწოდებელთან“ ანგარიშსწორება განხორციელდება ეროვნულ ვალუტაში (ლარი).

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორების გზით.

7.3 ანგარიშსწორება „შემსყიდველის“ მიერ მოხდება შესყიდვის ობიექტის/მისი ნაწილის მიწოდებიდან არაუგვიანეს 5 (ხუთი) სამუშაო დღის ვადაში. აღნიშნული ვადის დარღვევის შემთხვევაში „მიმწოდებელი“ უფლებამოსილია უარი თქვას ხელშეკრულებით განსაზღვრული ვალდებულების შემდგომ შესრულებაზე.

8. მხარეთა უფლება-მოვალეობანი

8.1 „შემსყიდველს“ უფლება აქვს:

საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

8.2 „შემსყიდველი“ ვალდებულია:

3 (სამი) სამუშაო დღით ადრე აცნობოს „მიმწოდებელს“ საფეხბურთო მატჩის ჩატარების ზუსტი თარიღი, ადგილმდებარეობა, დრო და ხანგრძლივობა ან/და წარმოადგინოს ჩასატარებელი საფეხბურთო მატჩების განრიგი, სადაც მითითებული იქნება თამაშების ჩამონათვალი, მათი ჩატარების ზუსტი თარიღი, ადგილმდებარეობა, დრო და ხანგრძლივობა.

8.3 „მიმწოდებელი“ ვალდებულია:

დაიცვას ხელშეკრულებით გათვალისწინებული ყველა პირობა.

8.4 „მიმწოდებელს“ უფლება აქვს

მოსთხოვოს „შემსყიდველს“ მიწოდებული შესყიდვის ობიექტის შეაღედური და საბოლოო ანაზღაურება ხელშეკრულებით გათვალისწინებული პირობებით.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 ხელშეკრულებით ნაკისრი ვალდებულებების შესრულების ვადების დარღვევის შემთხვევაში ყოველი დაგვიანებული დღისათვის დამრღვევ მხარეს ეკისრება პირგასამტეხლო ხელშეკრულების ღირებულების 0.2 პროცენტის ოდენობით.

10. ხელშეკრულების შესრულების გარანტია

10.1 ხელშეკრულების შესრულების უზრუნველყოფის მიზნით ხელშეკრულების შესრულების გარანტია არ გამოიყენება.

11. ხელშეკრულების პირობების გადასინჯვის შესაძლებლობა

11.1 არავითარი გადახრა ან ცვლილება ხელშეკრულების პირობებში არ დაიშვება, ორივე მხარის ხელმოწერილი წერილობითი შესწორებების გარდა.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11.3 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები „შემსყიდველი ორგანიზაციისათვის“. გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10 პროცენტზე მეტი ოდენობის გაზრდა.

11.5 ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

12. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმდებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

13. ფორს-მაჟორი

13.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები. აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

13.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს მხარეებს უფლება აქვს შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

13.3. მხარე, რომელსაც შეექმნა ფორს-მაჟორული გარემოება დაუყოვნებლივ წერილობით უნდა აცნობოს ამის შესახებ მეორე მხარეს.

14. დაგები და მათი გადაწყვეტის წესი

14.1 ხელშეკრულების შესრულებისას მხარეთა შორის წამოჭრილი დაგები ან აზრთა სხვადასხვაობა შესაძლებელია გადაწყვეტილი იქნას ორივე მხარის ერთობლივი მოლაპარაკების საფუძველზე.

14.2 შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. ხელშეკრულების ინსპექტირების პირობები

15.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

16. სხვა პირობები

16.1 არცერთ მხარეს არა აქვს უფლება გადასცეს მესამე პირს თავის უფლებები და მოვალეობები, მეორე მხარის წერილობითი თანხმობის გარეშე.

16.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

16.3 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16.5 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

16.6 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე მეორე მხარეს ეცნობება წერილობით.

16.7. ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი ხელშეკრულება რომელსაც ერთი მხარე ხელშეკრულების შესამაბისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება დეპეშის, ტელექსის ან ფაქსის გზავნილის გზით იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გაცემა ვერ ხერხდება ხელშეკრულებაში აღნიშნულ მისამართზე მისამართის არასწორად მითითების გამო, შეტყობინება ჩაითვლება ჩაბარებულად და მასში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

17. მხარეთა იურიდიული მისამართები და რეკვიზიტები

„შემსყიდველი“

„მიმწოდებელი“

შპს საფეხბურთო კლუბი „მეშახტე“

ს/კ 219630228

სს „თიბისი ბანკი“

ბ/კ TBCBGE22

ა/ა GE50TB7472636080100008

იურ. მისამართი: ქ. ტყეშელაშვილი,

თაყაიშვილის ქ. №3

სსიპ - „სსდ ცენტრი“

ს/კ 205307960

მიმღების დასახელება – ხაზინის ერთიანი ანგარიში

მიმღების ანგარიში/სახაზინო კოდი: 707067026

ბ/კ TRESGE22

ფაქტ. მის: ქ. თბილისი, აკ. წერეთლის გამზ. №117

იურ. მის: ქ. თბილისი, აკ. წერეთლის გამზ. №144

შემოსულობის დასახელება – სსიპ „სახსრადგო

სამედიცინო დახმარების ცენტრის მიერ

გაწეული მომსახურების საფასური



სამედიცინო ბრიგადის თანხლება (დაყოვნება)

1. ხელშეკრულების პირველი მუხლით გათვალისწინებული სამედიცინო მომსახურება მოიცავს კულტურულ/სპორტულ ან სხვა სახის მასობრივ ღონისძიებაზე, საჭიროებისამებრ სასწრაფო სამედიცინო დახმარების აღმოჩენის მიზნით, სასწრაფო სამედიცინო დახმარების ბრიგადის თანხლებას.
2. წინამდებარე დანართი წარმოადგენს სახელმწიფო შეყიდვის შესახებ №88 ხელშეკრულების განუყოფელ ნაწილს.
3. ხელშეკრულების ღირებულება იურიდიული პირებისათვის შეადგენს დაყოვნების ერთი საათისათვის 100 (ასი) ლარს. (სსიპ „სასწრაფო სამედიცინო დახმარების ცენტრის“ 2016 წლის 19 სექტემბერის №12-61/ო ბრძანება).
3. სამედიცინო დახმარების ბრიგადა უნდა გამოცხადდეს: 2016 წლის 2 დეკემბერს ქ. ტყიბულში, კერძოდ: თაყაიშვილის ქ. №3-ში და 2016 წლის 9 დეკემბერს ქ. ქუთაისში, კერძოდ: რამაზ შენგელიას ცენტრალურ სტადიონზე, შემდეგ თარიღებში:

1. 2016 წ. 2 დეკემბერი – მატჩის დაწყების დრო 13:00, დაყოვნების დრო 2 სთ. (13:00 - 15:00);
2. 2016 წ. 9 დეკემბერი – მატჩის დაწყების დრო 13:00, დაყოვნების დრო 2 სთ. (13:00 - 15:00).

„შემსყიდველი“



რამაზ ხანიკიძე

„მიმწოდებელი“



დავით ცორუა